

## **PLATFORMA ZA DEMOKRATSKO VLADANJE U ISLAMSKOM SVIJETU**

*Istanbul, Turska*

*14. april 2004.*

Mi, političari iz pretežno muslimanskih zemalja Afrike, Azije, Europe i Srednjeg Istoka, sastali smo se u Istanbulu, Turska, od 12-og do 14-og aprila, 2004. godine, na Kongresu demokrata iz islamskog svijeta. Mi smo bivši i sadašnji lideri država i vlada, ministri kabineta, članovi parlamenta te politički i građanski lideri sa iskustvom u demokratskom vladanju i učešću. Odražavajući nade i aspiracije našeg naroda, odlučni smo da ponudimo sljedeću Platformu za demokratsko vladanje u islamskom svijetu:

### **UVOD**

Principi islamske kulture i vrijednosti obuhvataju *toleranciju, pravdu, učešće*, a uz sve to i *mir*. Navedeni principi obezbjeđuju osnove za demokratsko vladanje, te miran i prosperitetan svijet. Njihovom primjenom ovi principi i vrijednosti demonstriraju da kulturni izražaj i demokratski procesi jačaju jedni druge, te time potvrđuju kompatibilnost islama i principa demokratije.

Spomenuti principi islamske kulture pozivaju na demokratski politički proces koji održava naš zajednički kulturni identitet, a u isto vrijeme garantira svim pojedincima njihova prava i slobode, što je već nabrojano u Povelji Ujedinjenih Nacija, (UN-a); Povelji Europske Unije, (EU); Varšavskoj Deklaraciji; Opšto/općoj deklaraciji o ljudskim pravima; Europskoj konvenciji o ljudskim pravima; Europskoj povelji Osnovnih prava; Konvenciji UN-a o eliminaciji svih vidova diskriminacije prema ženama; Deklaracija o demokratskoj, političkoj, ekonomskoj i korporativnoj vladi novog udruženja za razvoj Afrike, (NEPAD) i Deklaracija iz Sane, iz 1999-e godine.

Svaki od navedenih principa nosi sa sobom i obaveze kojima su demokrati iz islamskog svijeta povezani.

U vezi sa spomenutim principima i vrijednostima, a ubijedeni da opstanak različitih stavova jača, a ne slabi naša društva, vjerujemo u sljedeće:

### **TOLERANCIJA**

- Sloboda misli, savjesti i vjere;
- Pravo na izražavanje i mišljenje;
- Sloboda i pluralizam medija;
- Sloboda udruživanja i okupljanja;

## PRAVDA

- Jednaka prava za sve ljude, bez razlike po osnovu: rase, boje kože, spola, jezika, religije, političkog ili drugih ubjeđenja, nacionalnog ili društvenog porijekla, imovine, statusa po rođenju, te drugih društvenih i ekonomskih statusa;
- Princip jednakosti neće spriječiti održavanje ili usvajanje privremenih mjera koje obezbjeđuju posebne prednosti u korist žena i grupa koje su bile nedovoljno predstavljene u našem političkom procesu;
- Vladavina zakona i nezavisno sudstvo;
- Sloboda od mučenja/torture, proganjanja/uznemiravanja i okrutnih ili pak «neuoobičajenih» metoda kažnjavanja;
- Smanjenje siromaštva u svijetu te promocija razvoja.

## UČESTVOVANJE

- Slobodni, pošteni i regularni višestranački izbori koji omogućavaju miran prelazak vlasti, te koji zadržavaju povjerenje javnosti kroz uspostavljanje nezavisne izborne komisije, koja nije sljedbenik niti jedne stranke i politički je izbalansirana, te da garantira pravo glasanja za sve punoljetne građane, bez obzira na spol.
- Demokratski proces donošenja odluka koji potiče podjednako učešće žena i muškaraca;
- Društva koja su dovoljno informirana i transparentna kroz nezavisne medije, program edukacije građana, te građansko društvo koje aktivno učestvuje u političkom životu;
- Odgovorne političke stranke koje predstavljaju interese građana i zakonodavna tijela koja se legitimiziraju kroz demokratske i transparentne izbore i pravu političku konkurenciju;
- Sistem demokratskog upravljanja koji traži načine da spriječi korupciju i ojača vladavinu zakona kroz mehanizme transparentnosti i odgovornosti, slobode protoka informacija i parlamentarni i nezavisni nadzor građanskog društva;
- Efektivne mjere koje će omogućiti obrazovanje pristupačnim i raspoloživim za sve djevojčice i dječake, a što je u skladu sa pravima djece;
- Transparentna finansijska politika i korporativna vlast koja doprinosi ekonomskom prosperitetu.

Ova Platforma demonstrira da se principi islama i principi demokratskih vlada uzajamno jačaju.

Mi vjerujemo da sve nacije i svi pojedinci koji slijede principe spomenute Platforme će doprinijeti ljudskom dostojanstvu, društvenoj koheziji, ekonomskom prosperitetu i sigurnosti dok promoviraju razumjevanje i mir među svim ljudima.

Mi se obavezujemo da pružimo konkretne izraze ovim principima kroz daljnje inicijative i umrežavanje demokrata iz islamskog svijeta.